

اسلام جمعہ سی

شعاری: «دینی بر میت، حیاتی بر دیر» در

پیل ۲ صائی ۳۴ ۱۵ شوال ۱۳۳۳ مدبری: حلیم ثابت
۱۳ اگستوس ۱۳۳۱

جلد: ۳

قراہہ کریم

سورۃ بقرہ نك ۲۱۴ نجی آیتندن ۲۲۲ نجی آیتہ قدر مفهوم شرقی
[حاشیہ لی مفهوم قرآنن] مرحوم مناستری رفت

اسلام اجتماعی

دینك اجبای خدمتری ضیا كوك آب

خطبہ

کوی خطینك بایرام هفته سی خطبہ سی عربانی زاده وحید

اسلام انتہائی

انلامده انحطاط و انتہاء م . شمس الدین
(اسلامك انحطاطنده شیعهك ، حارجینك جزائرنینك تأتری . خوارچ قره لری یزیدیلر .
مزدکیلر، بغداد نرونی معتزك ظللری . ایران قدیمه مزدك و حوارجدن صاحب الزینك شناعتری .
قرمطیلردن ابوطاهر خائینك وحشتلی) .

ترجمہ مال

سری سقطی محمد بسم

نسخہ سی ۶۰ پارہ در

توزیع یری « زمان کتبخانہ سیدر »

نجم استقبال مطبوعہ سی

کاهیجه سودیککز بر شیده‌ده شر واردر. بورالری ایسه جناب حق ییلور سز ییلمزسکز .

(۲۱۷) شهر حرامده حکم قتالدن سؤال ایتدکلرنده دی‌که، واقعا شهر مذکورده مقاتله بر امر عظیمدر؛ انحق کفر و انکارله ناسی سییل خدادن آیروب طاعتدن بزایتمک و مسجد محترمدن منع ایتمک و اهل مسجدی اورادن اخراج ایتمک عندالله اول مقاتله‌دن اعظم و فته ایسه‌اندن دها اعظمدر. انلر مقدر اولورلرسه سزی دینکزدن دوندرنجیه قدر مقاتله‌دن فارغ اولمالرلر. سزدن هرکیم که ارتداد ایدر و بویله‌جه کافر اولدینی حالده وفات ایلرسه بو کیلر اعمال دنیویله‌رینک بطلانلریله خسران اخروییه مستحق اولان اهل جهنمدن اولوب الی‌الابد اوراده یانار طورورلر. (۲۱۸) الله ورسوله ایمان ایله وطنلرندن هجرت و الله بولنده جهاده غیرت ایدوب رحمت رحمانی رجا ایدنلرده (الله غفور رحیمدر)

(۲۱۹) و (۲۲۰) شراب ایله قارندن سؤال ایتدکلرنده انلرک ناسه منافعی درکار ایسه‌ده کندیلرنده کناه کیر اولدینی و کناهلری منفعلرندن اکبر ایدوکنی سویله و [نه‌مزی اتفاق ایدلم] دیه سؤال ایتدکلرنده [محتاج اولدینکزدن فیضه‌سنی و یرک] دی. ایسته دنیا و آخرتده تفع و ضروری تعقل ایتمکز ایچون جناب حق بو کبی آیاتیه بیان کیفیت ایدر .

اسلام اجتماعیات

دینک اجتماعی خدمت‌لری

دینک اجتماعی خدمت‌لری جمعیتلرک مختلف نمودج‌لرینه کوره باشقه باشقه

صورت‌لره تجلی ایدر .

جعیترک (ابتدائی جعیتر) و (متعضو جعیتر) دپه ایکی جنسه آیرلیدیگی کچن مقاله لریمزدن برنده ایضاح ایتمشدک .

ابتدائی جعیترده یالکز (دینی ولایت) واردو ، سیاسی و حرثی ولایتلر - مستقل بر صورتده - هنوز تشکل ایتمه مشدر . چونکه متوعک حائر اولدینی ولایت تابعلری اولان خلقک افکار عامه سنه (یعنی قرآن کریم اصطلاحجه : عرفه) استناد ایدر . حال بوکه ابتدائی جعیترده یالکز دینی بر افکار عامه موجوددر . سیاسی و حرثی افکار عامه لر هنوز وجود بولامشدر . متعضو جعیترده دینی افکار عامه دن باشقه ابتدا سیاسی بر افکار عامه ، سوکراده حرثی بر افکار عامه تشکله باشلار . بناء علیه متعضو جعیترده دینی ولایتدن باشقه سیاسی و حرثی ولایتلرده موجوددر .

دینی بر افکار عامه رابطه سیله برلشهرک دینی بر ولایته تابع اولان هیئته (امت) دینیلیر . سیاسی بر افکار عامه رابطه سیله برلشهرک سیاسی بر ولایته تابع اولان هیئته (دولت) دینیلیر . حرثی افکار عامه لرک رابطه سیله برلشهرک حرثی ولایتلره تابع اولان هیئته (ملت) نامی ویریلیر . او حالده ابتدائی جعیتر یالکز امت ماهیتدهدر ، دولت و ملت ماهیتلری ، اولنلرده ، هنوز تظاهر ایتمه مشدر .

متعضو بر جمعیتده ایسه امت ، دولت ، ملت ماهیتلرندن هراوچی ده - بری برندن آیری اولوق اوزره - موجوددر ، « ابتدا امت تشکل ایده لرک بوندن دولت دوغمش ، دولتنده بالآخره ملت تولد ایتمشدر . »

بوکی جعیترده دین ، سیاست ، حرث مؤسه لرینک بری برندن مستقل و یکدیگریته معاون اوله رق تعضو ایتمه سی - اجتماعی ایش بولومنک نتیجه سی اوله رق - اوچ تورلو افکار عمومی نك و بولنره مستند اولوق اوزرده اوچ چشید ولایتک تشکل ایلمه سندن متولددر .

ابتدائی و متعضو جعیترک فرقلرینی آکلادق . شیمیدی دینک اجتماعی خدمتلرینی بو ایکی جنس جعیترده تدقیق ایده لم :

ابتدائی جعیترده آیریجه سیاست و حرث تشکیلاتلری بولونمادینی ایچون

بوتلرک وظیفه سنی ده دینی تشکیلات ایفا ایدر . امت عینی زمانده دولته ملته مقاملرینه ده قائم اولور .

اجتماعی مؤسسه لر نفوذ و قیمتلری هر هانکی برولایتدن ، دها دوغروسو هر هانکی بر افکار عامه دن آلق مجبوریتده در . ابتدائی جمعیلرده ایسه یالکز دینی ولایت و دینی افکار عامه موجوددر . احوالده بو جمعیلرده کی بوتون مؤسسه لره دیندن نبعان ایتمه سی ، نفوذ و قیمت آتیق بو قدسیت منبعدن آلمه سی ضروری اولور .

ابتدائی جمعیلرده بوتون مؤسسه لر دینی افکار عامه یه مستند اولدینی حالده متعضو جمعیلرده یالکز بر قسم مؤسسه لره بو منبعدن فیض آلمه سینه باقوبده دینک ابتدائی جمعیلرده متعضو جمعیلرینه کندن دها فائده لی بر وظیفه ایفا ایتدیکنه قائل اولمالیدر . دینی افکار عامه تعلق ایتدیکی مؤسسه لره فوق الطیبی یاخود دها واضح تعبیریه معجزوی بر قوت و قیمت ویرر . بو قوتک نسبة دها چوق معنوی اولان و جمعیتک مشترک وجداتی تمیل ایدن مؤسسه لره تعلق نه قدر فائده لی ایسه دنیوی ، ناسوتی و حتی مادی مؤسسه لره شامل اوله سی ده اوقدر مضردر ، چونکه بو مؤسسه لره حیاته اویمه سینه دانع اولور . احوالده دینی افکار عامه نك - ابتدائی جمعیلرده اولدینی کی - بوتون مؤسسه لری زیر نفوذینه آلمه سی متعضو جمعیلر ایچون غبطه اولونه حق بر حال دکلدور .

متعضو جمعیلرده دینی افکار عامه یینه موجوددر . فقط یالکز ، روحانی و قدسی بر ماهیتده قاله سی لازم کلن فکرلره و دویقولره تعلق ایدر . دنیوی و ناسوتی ماهیتی حائز اولان مؤسسه لره آرتیق دو قونماز . بو کی مؤسسه لر نفوذ و قیمتلری یا سیاسی افکار عامه دن ، یاخود حرئی افکار عامه دن آلیرلر و حیاتک ایجاباته کوره تحول ایده بیلیرلر . سیاسی افکار عامه تعلق ایتدیکی قاعده لری حقوقی قوه مؤیده ایله ترویج ایدرک اولنره قانون ماهیتی ویرر . حرئی افکار عامه یه کلنجه بو ، بر چشید اولمایوب متعدد نوعلری حاویدر :

اخلاقی ، بدیی ، لسانی ، اقتصادی ، فنی افکار عامه لر . بو افکار عامه لر تعلق ایتدیکی مؤسسه لره نه دینی مؤسسه لره اولدینی کی معجزوی ، نه ده

حقوق مؤسسہ لودہ اولدینی کی محکمہ وی بر قوہ مؤیدہ ویرمزیرہ فقط ہانکی سیرتارک ای ، ہانکی اترارک کوزہل، ہانکی تعمیرارک قسیح، ہانکی ماعلرک کوزہل، ہانکی آتارک فاندہلی اولدینی تعین ایدرلر .

متعضو جمعیتارده تقسیم اعمال نتیجہ سی اولہ نوق مختلف اجماعی قیمتار ایچون مستقل اجماعی میزہلر یعنی افکار عامہلر تکیون ایشدو . بونلردن ہریری کندی ساحہ سندہ فاندہلی اولان وظیفہ سی مستقل ایفا ایدو . بناء علیہ دینک اجماعی فاندہلری بالخاصہ متعضو جمعیتارده آرامق دہا موافقدو . چونکہ بو صورتہ دینی الحق کندی خصوصی ساحہ سندہ طامل کوروروز . کلہ جک مقالہ بوجہتدن بحث ایدہ جکنز .

ضیا کونک آب

خطبہ

کوی خطینک بایرام ہفتہ سی خطبہ سی

ای جماعت! باقیکر : رمضان کلدی کجدی ، بایرام قوشن کی اوچدی بزده ایندکریمزله قالدق . شیمدی بر کوزہ : قارہ یاتوب قابلمزی سیر ایدم ! باقام ومضاندن نہ آکلادق ؟ بایرامدن نہ اوکرنڈک ؟ او جامعلر ، نییحلر ؛ او اوروجلر ، تراویجلر ؛ او نصلاتلر ، تمجیدلر ؛ او توبہلر ، استغفالر ؛ او وعظلر ، حافظلر ؛ او کنیش وقتلر ، یوش زملنلر ہب یوشی بوشہ می کجدی کتدی ؟ یوقہ بونلردن بر شیلر دو یارق آزییحق ایچمز آچلدی ، بر آوز یورہ کوزک یاصی سیندی می ؟ . . . بونی بر آکلانق لازم . . . اکر : او قیلان تازلر ، طوتیلان اوروجلر ، دیکلہ تن وعظلردن سندہ کوزل حلالر ، ای خویرل پیدا اولدی ؛ او اسکی کولکسزک ، ایستکسزک اوزرکدن کتدی دہ آرتق جانہ ، باشہ ہم دنیاہ ہم آخرتہ چالیشمغہ نیت ایتدکسہ ؛ یابدقلر یکہ ، ایندکریکہ